

*Nomba an Kakien ñan Jipān eo an MercyOne*

**Kakien eo ej Einwõt an Trinity Health:**  
*Kakien Nomba 1 kin Jāān*

---

**RAAN EO EJEJJET KUTIEN: Ebrol 24, 2024**

**TAITOL EO AN KAKIEN:**

*Jāān in Jibañ ñan Rinañinmij*

*Enaj etale aoleb jilu iio jen ibben:*  
*Ritel in Kwelok ro an Ministri eo*

**ETALE JEN IBBEN: Ebrol 24, 2027**

---

**KAKIEN**

Ej an Ministri eo an MercyOne kakien (im kajojo Ministri an Trinity Health) ñan lale aikuj ñan Jāān in Jibañ im lelok idin jibañ im jibañ in taktō ko rejab kelet ñan rinañinmij im rebed iomwin kakien ko rekkar an state ak federal. Renaj lale kajojo rinañinmij ñe remaron tōbrak ñan Jāān in Jibañ im jibañ jen Ministri eo ilo aer kōjerbal tibdikin mennin aikuj ko koba etale im teej eo ej lale aikuj in taktō ko an rinañinmij eo im/ak baamle eo, jikin ko rej ewōr aer jāān, im ta ko rej kolla wonnen. MercyOne ej kātmane an etal wonnen jermal in jibañ ko jen kajojo rinañinmij ro Remaron Kolla (einwõt emōj kōmelele ilo Kakien in).

**I. Mennin Aikuj ko ikijen Maron Tōbrak ñan Jāān in Jibañ**

Jāān in Jibañ eo emōj kōmelele ilo jekjen in rej lelok ñan rinañinmij ro rej jokw eilo Jikin eo rej Lelok Jibañ (einwõt emōj kōmelele ilo Kakien in). Im bareinwõt, Ministri eo enaj lelok Jāān in Jibañ ñan rinañinmij ro rej bed ilikin Jikin eo ej lelok Jibañ im remaron tōbrak iomwin Kakien eo an Jāān in Jibañ an Ministri eo (Financial Assistance Policy, FAP) im rej kwalok ewōr juon aer nañinmij ej kab walok ak ekauwõtata im rej ebōk Idin Jibañ in Taktō.

MercyOne enaj lelok Jāān in Jibañ ñan jermal in jibañ ko iloan aujbitol eo (ekoba jermal in jibañ ko emōj lelok ilo aujbitol jen juon jikin eo elab an jermal ibben) im Ministri eo enaj lelok Jāān in Jibañ ñan jermal kein laajrak:

- A. Aoleb ibañ in Taktō eo Aikuj ñan Nañinmij im an Jibañ ko jen Taktō ilo Idin Ien ñan
  - 1. rinañinmij ro rej make kolla im rej kanne aer peba ñan im emōj loe remaron tōbrak ñan Jāān in Jibañ, im
  - 2. rinañinmij ro emōj lomnak remaron tōbrak ñan jāān in jibañ.

- B. Jet kolla ko rinañinmij rej aikuj kolla jen injuran eo jen jikin eo ej kolla/opij eo an injuran im Ministri eo ej jermal/koontoreak ibbeir einwõt emõj kōmelele ilo Kakien in.

Jermal in jibañ ikijen Taktõ ilo Idin Ien renaj lelok ñan aoleb rinañinmij ro rej etal ñan jikin imerjenji eo ilo aujbitol eo an Ministri, jekdoon rinañinmij eo emaron ak jab maron kolla ak wāween an kolla. Jibañ in taktõ in enaj woñmaanlok aer lelok mae ien emmon nañinmij eo an rinañinmij eo, mokta jen jabdewõt jemlok kin wāween aer kolla.

Jermal in jibañ ko laajrak remaron maron tōbrak ñan Jāān in Jibañ jen MercyOne:

- A. Jermal in jibañ ko ñan kōkmanmanlok enbwinnin armij im kōmadmōd ko jet rinañinmij eo ej make kelet im rejab Jibañ in Taktõ eo Aikuj ñan Nañinmij.
- B. Jermal in jibañ ko Ministri eo ejab lelok ak ej lelok wonnen (ekoba, jermal in jibañ ko jen taktõ ro rejenolok jikin aer jermal, nōõj ro rej jermal ñan kajojo armij ak jikin, ial ilo waan imerjenji eo, bar jet).
- C. Ministri eo emaron jab kobaiki jermal in jibañ ko rej kolla jen juon burokraam in injuran ekoba jermal in jibañ ko rej kolla wonneir ilo ien emõj lelok jen bar juon jikin taktõ bōtab rejab kolla ilo aujbitol ko an Ministri MercyOne; ijo ke emõj kōtōbrak Kakien Jikin Ejmour im Lojetak Rõõl eo an Nañinmij Jekdoon (Emergency Medical Treatment and Active Labor Act, EMTALA) im an federal.

Rinañinmij rein laajrak remaron tōbrak ñan Jāān in Jibañ jen MercyOne:

- A. Rinañinmij ro Ejellok aer Injuran im Kolla ko an Baamle eo aer ebed ilo ak ilalin 200% in Joñan Jeramol ibben Federal (Federal Poverty Level, FPL) remaron tōbrak ñan diklok in wonnen ej 100% ñan wonnen jermal in jibañ ko emõj lelok.
- B. Rinañinmij ro Ejellok aer Injuran im Rinañinmij ro Ewõr aer Injuran im rej ebõk jermal in jibañ ko ilo state ko elablok bōjjāān in diklok wonnen eo ñan Kolla eo an Baamle renaj bar maron tōbrak ñan juon wonnen eo ediklok ñan jermal in jibañ ko emõj lelok.
- C. Rinañinmij ro Ejellok aer Injuran im Kolla eo an Baamle eo aer elablok jen 200% in FPL im ejab lablok jen 400% in FPL (ak % eo elablok im aikuj iomwin kakien eo an state, elañe ekkar) enaj maron tōbrak ñan wonnen eo ediklok ñan jermal in jibañ ko emõj lelok. Juon Rinañinmij eo emaron tōbrak ñan joñan Jāān in Jibañ in ebañ lablok wonnen eo rej lelok jen Joñan Wonnen ko Ekkā Lelok (Amounts Generally Billed, AGB) im emõj bwinne.
- D. Rinañinmij ro ewõr aer Injuran im Kolla eo an Baamle eo aer ebed ilo ak ilalin 400\$ in FPL renaj maron tōbrak ñan Jāān in Jibañ ñan joñan ko an jejetin wonnen eo rej kollaiki, wonnen eo rej kolla mokta jen an injuran kolla, im bōjjāān in wonnen eo rej aikuj kolla ijo ke bebe ko ilo koontoreak ko ibben kombani in injuran eo an rinañinmij eo ejab kamo aer lelok jibañ eo.

Rej bar lelok Jāān in Jibañ ñan rinañinmij ro rejab maron kolla. Juon rinañinmij eo ejab maron kolla ej juon rinañinmij eo ewõr an injuran im enaj kanne an peba ñan Jāān in Jibañ, im kin an wõr

juon wāween eo ewalok kin an lab wonnen taktō im elablok jen 20% in Kolla eo an Baamle. Joñan eo elablok jen 20% in Kolla eo an Baamle (ak % eo ediklok im aikuj iomwin kakien eo an state, elañe ekkar) enaj maron tōbrak ñan jejetin wonnen eo ej kollaiki, böjjāān in wonnen eo ej kollaiki, im wonnen ko rej kolla mokta jen an injuran kolla an rinañinmij eo ewōr an ijuran ñan Jāān in Jibañ. Wonnen ko rediklok ñan ro rejab maron kolla im ejellok aer injuran eban diklok jen AGB eo an Ministri ñan jeral in jibañ ko emōj lelok ak joñan eo ñan kadiklok wonnen taktō eo an rinañinmij ñan joñan Kolla eo an Baamle bwe en rool ñan 20%.

## **II. Wāween Bwinne Joñan Wonnen ko rej Lelok ñan Rinañinmij**

Rinañinmij ro remaron tōbrak ñan Jāān in Jibañ reban loe wonnen eo elablok jen AGB ñan jibañ ko jet ikijen idin nañinmij ak jibañ in taktō eo aikuj ñan nañinmij. MercyOne ej kōjeral wāween eo ej lale melele ko mokta ñan bwinne AGB eo ilo an ajej kin joñan eo emōj kolla ñan claim ko an Medicare kin aoleben joñan wonnen ko emōj lelok mokta jen kankan, ekkar ñan Jekjen in Kakien eo an Opj eo ej bōk Eddoin Ewoj 501(r).

Kabe in kōmelele eo kin wāween aer bwinne im böjjāān eo/ko an AGB remaron bōke, ilo an ejellok wonnen, ilo website eo an Ministri eo ñe ejab ilo aer kall ae lok Jikin Bejne eo ej Jibañ Rinañinmij ilo 800-494-5797.

## **III. Wāween Kanne Peba ñan Jāān in Jibañ**

Juon rinañinmij emaron tōbrak ñan Jāān in Jibañ ilo an lelok juon Ablikajon in FAP eo emōj an kanne, ñe ejab kin lomnak eo moktalok ke emaron tōbrak kin bōnōbōn. An juon maron tōbrak enaj ekkar ñan etale im teej eo ej lale joñan aikuj ko ñan taktō, jikin ko rej ebōk kolla im ta ko rej kolla wonnen an rinañinmij im/ak baamle eo ilo raan eo rekkar bōk jeral in jibañ eo. Juon rinañinmij eo emōj loe an maron tōbrak ñan jāān in jibañ iomwin jilijino allōñ jen raan eo kein kajuon in an kar bōk jeral in jibañ im emōj loe ke rinañinmij eo emaron tōbrak ñan jāān in jibañ.

Maron tōbrak ñan Jāān in Jibañ aikuj an rinañinmij eo lukkun karejar kin mennin aikuj, ilo ien madmōdin ablikajon eo, elañe ekkar, ekoba:

- A. Dedelok in Ablikajon in FAP, ekoba lelok aoleb peba ko rej mennin aikuj; im
- B. Bōk kwōnaam ilo madmōdin ablikajon eo ñan aoleb jibañ ko remaron bōke, ekoba bōtab ejab jemlok wōt ñan, Jāān in Jibañ ko jen kien im burokraam ko jet.

Ministri eo enaj katte ilo an jibañ rinañinmij ro kanne aer peba ñan burokraam ko an kien im jikin ko jet im remaron tōbrak ñani im remaron jibañ aer ebōk im kolla wonnen jibañ ko ikijen taktō. Ministri eo emaron lomnak an lelok jibañ ikijen Jejetin Wonnen Taktō Aoleb Allōñ iomwin jidik ien elañe rinañinmij eo enaj tōbrak ñan Jāān in Jibañ.

Ministri eo enaj kōjellaik rinañinmij ro ñe rar lelok juon Ablikajon in FAP eo ejab dedelok aer kanne im kalikar melele ko relablok im/ak peba in kamool eo aikuj ñan aer kadedelok ablikajon eo, im rej aikuj lelok iloan 30 raan.

Ewōr an Ministri eo maron iomwin kakien ñan jab kōtōbrak Jāān in Jibañ elañe rejab loe Ablikajon in FAP eo iloan Ien Ablikajon.

Rinañinmij ro rekõnaan kanne aer peba ñan Jāān in Jibañ remaron bõke juon kabe in Ablikajon in FAP eo ejellok wonnen ilo wāween in:

- A. Kajjitõke juon kabe in Ablikajon in FAP jen Opij eo ej bõk eddoin Rinañinmij ro rej Deloñ, Jikin Imerjenji eo, ak jen ibben juon Koonjelor kin Jāān ilo jikin eo rekkar lelok jibañ:
- B. Download im print ae Ablikajon in FAP eo jen website eo an Ministri eo;
- C. Lelok juon kajjitõk ilo jeje ñan Jikin Bejneji eo ej Jibañ Rinañinmij ilo atoreji eo emõj kwalok kiõ ilo website eo im ekoba ilo kõjella im ablikajon ko an FAP; ak
- D. Kall ae lok Jikin Bejneji eo ej Jibañ Rinañinmij ilo 800-494-5797 ñe ejab ilo nomba in talebon eo emõj kwalok kiõ ilo website eo im ekoba ilo kõjella im ablikajon ko an FAP.

#### **IV. Wāween Lale an Juon Maron Tõbrak**

MercyOne enaj kõjermal juon waan joñak eo remaron antoone ñan lale moktalok an rinañinmij ro maron tõbrak ñan Jāān in Jibañ. Maron tõbrak moktalok ñan Jāān in Jibañ remaron loe jabdewõt ien aer ebõk kolla.

Ñe emõj loe an juon rinañinmij maron tõbrak ñan Jāān in Jibañ ak maron tõbrak ñan diklok eo jen jibañ eo elabtata iomwin FAP, MercyOne enaj:

- A. Kõjellaik rinañinmij eo kin ta eo rej lale ñan an emaron tõbrak im wāween an rinañinmij eo maron lelok jumae ñe ejab kanne peba ñan jibañ eo elablok kobban iomwin FAP;
- B. Lelok ejab diklok jen 30 raan ñan an rinañinmij eo lelok jumae ñe ejab kanne an peba ñan jibañ eo elablok kobban; im
- C. Kõmadmõd jabdewõt Ablikajon in FAP rinañinmij eo ej lelok mokta jen jemlokin Ien Ablikajon eo.

#### **V. Jejjet Wāween Leto Letak Melele**

Ministri eo enaj kadāb peba im peba in kaajeeded ko rej lelok melele ko kin FAP eo an Ministri ilo jikin ko rej kajeeded kõjella ilo Ministri eo. Ministri eo enaj kwalok FAP eo, ilo melele ko emõj kakadu im naan ko rebidodo melele, im juon peba ablikajon ilo website eo an Ministri im lolorjak bwe melele ko kin FAP eo an Ministri emõj kakadu im ebidodo melele naan ko im peba ablikajon eo ewõr ñan aoleb rinañinmij ilo ien aer kajjitõk.

#### **VI. Wāween Lelok Wonnen im Bõk Kolla**

Ministri eo enaj kõjejjet kutien an lelok wonnen im bõk wonnen jermal ko ñan an rinañinmij eo kolla ilo juon wāween eo ejellok kalijeklok, ej einwõt im ej loor kakien ko an state im federal. Jermal ko MercyOne emaron kõmmāne ilo ien eo ejab etal kolla emõj kõmelele ilo juon peba eo ejenolok kin Wāween Lelok Wonnen im Bõk Kolla. Kabe in Wāween Lelok Wonnen im Bõk Kolla remaron bõke, ilo an ejellok wonnen, ilo aer kall ae lok Jikin Bejneji eo ej Jibañ Rinañinmij ilo 800-494-5797 ak ilo aer lelok kajjitõk ilo email. MercyOne ej kakoba kakien ko an 501(r) im

kakien ko ekkar an state rej kamo wāween ko relukkun lab ñan bōk wonnen taktō ibben kajojo armij ro emōj loe ke remaron tōbrak ñan jāān in jibañ. Im bareinwōt, jekdoon kajojo armij eo Emaron Kolla, MercyOne ebañ woñmaanlok in lelok jermal in kakien ñan an bōk juon jemlok, muri kin bwidej ak mweiuk ko an juon armij ñe ejab kōjella kin armij eo ñan opij eo an kien ej bōk eddoin kredit.

Ñe rinañinmij eo ear lelok kolla ilo Ien Ablikajon eo im mokta jen aer lale an maron tōbrak, MercyOne enaj karool wonnen ko relablok jen joñan jāān in jibañ eo im emōj loe emaron tōbrak, ijellokun ñe joñan eo ediklok jen \$5.00.

## **VII. Laajrakin Etan Taktō ro**

Juon laajrakin etan taktō ro rej lelok Idin Jibañ ko jen Taktō ñan Nañinmij ak Jibañ in Taktō eo Aikuj ñan Nañinmij ilo aujbitol eo im rej kalikar taktō ta ro rej lelok Jāān in Jibañ, einwōt emōj kōmelele ilo FAP eo, im ro rejab, ejenolok aer kejbarok melele eo jen FAP in. Kabe in Laajrakin Etan Taktō ko rej Lelok Jibañ remaron bōke, ilo an ejellok wonnen, ilo website eo an Ministri eo ñe ejab ilo aer kall ae lok Jikin Bejne j eo ej Jibañ Rinañinmij ilo 800-494-5797.

## **VIII. Wonnen ko Jet Rediklok**

Rinañinmij ro rejab maron tōbrak ñan Jāān in Jibañ, einwōt emōj kōmelele ilo Kakien, im rej ebōk jibañ ko ñan idin nañinmij ak jibañ in taktō ko raikuj ñan nañinmij/jibañ in taktō eo rejab kelet, remaron tōbrak ñan kain jibañ ko jet Ministri eo emaron lelok. Kain jibañ ko jet rejab ekkar ñan aikuj im rejab koba ilo Kakien eo an Jāān in Jibañ im an Ministri eo bebe in lelok.

## **JOÑAN/EKKAR**

Mennin ej juon Kakien eo ej Einwōt an Trinity Health. Innem, Kakien in ej Einwōt kajojo Ministri ak Jikin ko Mōttan im rej kōjermal Kein Jermal eo im rej lelok jibañ ak wonnen ko ñan lale rinañinmij ilo aujbitol. Kakien in ej Einwōt ej anōke Kakien 1 kin Jāān, iomwin Kakien kin Jāān in Jibañ ilo koleb jikin jermal ko an Trinity Health sisitiim. Doulul ko an Trinity Health im rej lelok jibañ ak wonnen kain jibañ in nañinmij ko jet renaj kōjermal Kakien eo an jāān in jibañ im ej kōtōbrak aikuj ko an armij ro ilo jukjukinbed eo rej jibañ im ej lelok jāān in jibañ ñan kajojo armij ro rej aikuj jāān in jibañ im jibañ ko jet.

Kakien eo an state enaj lablok jen mennin aikuj ko an aoleb kein jermal eo im Ministri eo enaj aikuj makūtkūt ilo an loor aoleb kakien eo an state ekkar.

Kakien eo ear kōmman ñan kadedelok an Ministri eo tiljek ñan:

- Lelok bwe en joñan wōt juon an aoleb maron bōk jibañ in taktō ko remmon joñan ilo an rijermal kwalok aer iakwe, kautiej im kile armij ro jej jibañ, elabtata armij ro rejeramol im rejerata ilo jukjukinbed ko ad.
- Jibañe aoleb armij, jekdoon ñe rejab maron kolla wonnen jermal in jibañ ko; im
- Jibañe rinañinmij ro rejab maron kolla wonnen jidik ak aoleben jibañ ko rekkar bōke.

Ministri eo ej jukjukinbed in armij ro rej jermal ibben doon ilo jitoben Kospel eo einwõt ro rej kwalok aer iakwe im kōkmanmanlok ejmour ilo jukjukinbed ko ad. Koba ibben Aurok ko Jinoin ad, elabtata kin "Tiljek eo ñan ro rej Ioone aer Jeramol," kim ej lelok jibañ ñan armij ro rej aikuj im lelok lomnak eo ejenolok ñan ro elabtata aer mojno, ekoba ro rejab maron kolla im ro elukkun dik aer maron kōtōbrak wonnen ko renaj koba jen aer bōk jibañ jen taktō.

## **MELELE IN NAAN KO**

### **Maron Kolla** ej melelein

- a. Juon armij eo emōj loe ejab maron tōbrak ñan Medicaid kin juon madmōdin etale ablikajon in Medicaid ak juon eo emōj an loe an jab tōbrak ñan injuran ko an Medicaid jen juon Burokraam in Medicaid an Aolepān.
  - Trinity Health ejab aikuj an juon armij kanne an peba ñan Medicaid einwõt juon mennin aikuj moktalok jen an kanne peba ñan Jāān in Jibañ.
- b. Juon armij eo emōj loe ejab maron tōbrak ñan Jāān in Jibañ ālikin aer etale Ablikajon eo an.
- c. Juon armij eo ejañin kanne an peba ñan jāān in jibañ ālikin ien an jemlok Ien Ablikajon eo ñan Jāān in Jibañ.
- d. Juon armij eo emōj an makoko in jab kanne juon Ablikajon ak karejar kin madmōdin Ablikajon eo ñan Jāān in Jibañ.

**Joñan Wonnen ko Ekkā Lelok (Amounts Generally Billed, "AGB")** ej melelein joñan wonnen ko ekkā lelok ñan idin jibañ ko jen taktō ñan nañinmij ak jibañ in taktō eo aikuj ñan nañinmij ñan rinañinmij ro injuran eo aer ej kolla wonnen jibañ kein, einwõt, nañinmij kauwõtata ak taktō in AGB eo an Ministri enaj lale melele ko moktalok ilo an bwinne aoleben wonnen claim ko Medicare ekkar kolla wonnen jen Opij in jermal ak Ministri iomwin juon iiō ilo an kōjermal jonoulruo allōñ in claim ko emōj kolla wonneir ilo an rumijlok kin 30 raan jen raan in kōjella eo jen raan eo ekkar diwōj jen aujbitol āliktata.

**Ien Ablikajon** ej jino ilo raan eo rej lelok jibañ im jemlok ālikin 240 raan jen raan eo ñe ejab --

- a. jemlokin 30 raan im rinañinmij eo ear maron tōbrak ñan joñan eo ediklok jen jibañ eo elabtata remaron lelok ekkar ñan Jibañ eo rekkar Lomnak Moktalok ñe ejab mokta jen an maron tōbrak ñan FAP im rej lelok ñan an kanne peba ñan jibañ eo elablok kobban.
- b. raan eo āliktata emōj lelokilo juon kōjella ilo jeje ālikin an ECA ko maron jinoe.

**Jibañ ko jen Taktō ñan Nañinmij** einwõt emōj kōmelele ilo Jekjen 1867 in Kakien eo an Jemān Kōmāmour (Social Security Act). Rej aikuj lale im jibañ rinañinmij ro rej kabōk jibañ ñan juon idin nañinmij ilo aujbitol eo an Trinity Health ilo ejellok kalijeklok im kōjekdoon elañe rinañinmij eo ejab maron kolla wonnen an taktō. Ministri eo emaron kōmadmōd jermal ko ilo an loor aoleb aikuj ko an federal im state ikijen idin jibañ ko ñan nañinmij, ekoba kakōlkōl, jibañ, im lemaanlok mennin aikuj ko iomwin Kakien Jikin Ejmour im Lojetak Rq̄ol eo an Nañinmij Jekdoon (Emergency Medical Treatment and Active Labor Act, EMTALA) im an federal.

**Kolla eo an Baamle** ej melelein Kolla eo an Baamle ekoba Kolla eo an aoleb rütto ro ilo baamle eo ilo juon iiō jen allōñ ko 12 moktalok ñe ejab iiō in kanne peba in eowoj eo moktalok einwöt emōj kalikar ilo peba ko rej edāb ibben jek in kolla ko ñe ejab peba in kanne eowoj jen kolla im melele ko jet. Ñan rinañinmij ro rediklok jen 18 aer iiō, Kolla eo an Baamle ekoba kolla ko ilo juon iiō an jineir im jemeir im/ak riabin jineir im jemeir, ak armij ro nukkie rej lale aer. Kamool kin kolla ko jen jermal remaron loe jen aer lale Kolla ko an Baamle ilo juon iiō jen iiō ñan raan eo, ilo aer kobaiki joñan wonnen ko jen kolla ilo ien in.

**Jāān in Jibañ** ej melelein jibañ (mennin lelok, wonnen ko rediklok, bar jet) emōj lelok ñan rinañinmij ro abañ aer kollaiki aoleben wonnen jibañ in taktō ko raikuj im Trinity Health ej lelok im rej kōtōbrak mennin aikuj ko ñan aer maron tōbrak ñan jibañ in.

**Kakien eo an Jāān in Jibañ (Financial Assistance Policy, "FAP")** ej melelein kakien im wāween kōmadmōd ilo jeje im ej kōtōbrak mennin aikuj ko emōj kōmelele ilo §1.501(r)-4(b).

**Ablikajon eo an Kakien eo an Jāān in Jibañ ("Ablikajon in FAP")** ej melelein melele im peba in kamool ko rej koba im rinañinmij eo ej lelok ñan an kanne peba ñan Jāān in Jibañ iomwin FAP eo an Ministri. Ministri eo emaron bōk melele jen armij eo ilo jeje ak kenono (ñe ejab ilo wāween kein jimor).

**Kolla** ekoba wonnen ko mokta jen kankan, wonnen ilo juon iiō im kolla jen jermal eo an make, kolla jen injuran in jermal, kolla ko jen Jemān Kōmāmour, jibañ jen kien, jibañ ikijen jikuul, kolla ko jen armij eo emij, kolla ko jen joortoklik, kolla jen retirement, kolla ko jen injuran ak tōbrak ko rej lelok aoleb iiō, kolla jen bwidej im trust, wonnen reen ko rekkar bōke, orlok/tōbrak ko jen jāān, im kolla jen jabdewōt jikin ko jet.

**Jibañ in Taktō eo Aikuj ñan Nañinmij** ej melelein jabdewōt jibañ ak mweiuk in taktō ko juon taktō ilo Trinity Ministri emaron lewaj, im aikuj ñan bōbrae, kakōlkōl, ak jibañ juon nañinmij ak jorrāān ak kōkmanmanlok ak jolok kakōlkōlin nañinmij eo. Jibañ in Taktō eo Aikuj ñan Nañinmij ejab koba jibañ ko juon rinañinmij ej make kelet im injuran eo an rinañinmij/kien/injuran in taktō ejab kolla wonnen ak jermal in kōkmanmanlok enbwinnin armij eo ejab juon mennin aikuj ñan armij eo emmon, maron makūtkūt, ak ejab jorrāān mōttan eo an enbwinnin.

**Ministri** (jet ien rej ba Health Ministri) ej melelein jikin eo mōttan kein kajuon (kaju lelok jibañ), mōttan, ak opij eo ej jermal ibben Trinity Health im Trinity Health System ej lale aoleben ak jidik jerba ko an. Juon Ministri emaron ekkar ñan jikin eo ebed ñe ejab jikin eo ej lelok jibañ ak bejne. Ministri ko ekoba Ministri ko an Mijen, Ministri ko an Aelon eo, im Ministri ko an Bukon ko.

**Kakien eo ej Einwöt** ej melelein juon kakien eo ej waan joñak im emōj an Trinity Health kōmelim im kajojo Ministri aikuj kōjerbale einwöt kakien eo ej einwöt, elañe ekkar im ejejjet ñan kōmadmōd ko an, bōtab emaron ukōte wāween eo ñan kwalok kelet ko ekōnaan ak, emaron kōmelim jen armij eo ej koba ilo ELT im an eddo in Kakien eo ej Einwöt, ñan an loor kakien ko ekkar an state ak jukjuinbed im aikuj ko ikijen kakien ak laijen im kamool.

**Kakien** melelein juon kamool kin kōmelele in jermal ko elab joñan im raurok ñan Trinity Health, Ministri ko an im Opij ko rej jermal ibbeir ñe ejab juon kōjella elablok an kōmelele peba in kakien ko an Trinity Health, Ministri im Opij ko rej Jermal Ibbeir. Kakien ko remaron jenolok, an Aoleben Jikin Jermal ko ak Kakien eo ej Einwöt im emōj lelok juon kumi eo ej lelok kōmelim.

**Mennin Aikuj** melelein juon peba emōj kōmmane ñan kōjejjet kutien kakien ak kōmelele kin jejjetin jermal ak mennin aikuj ko rej mennin aikuj.

**Jikin eo ej Lelok Jibañ** ej melelein jikin ko elab an katak ko lelok jermal in jibañ. Mennin ej walok jen laajrakin Koot Pouskōt ko im rej jikin ko rinañinmij ro rej jokwe.

**Joñan Aikuj im Kōmelele ko** melelein kōmelele ko relablok im kōmelele kin wāween kōmadmōd im rej jibañ an jejjet kutien Mennin Aikuj ko, ekoba wāween jermal ko emōj kōmmane jen doulul ko rej lelok peba in kamool im jejjetin jermal.

**Opij eo ej Jermal Ibbeir**melelein juon opij emelim iomwin kakien imTrinity Ministri ej an bejne j eo ak ej mōttan bejne j eo.

**Rinañinmij eo Ejellok an Injuran** ej melelein armij eo ejellok an injuran, ejellok an injuran ej kolla jen pade eo kein kajilu, juon bebe in ERISA, juon Burokraam in Taktō an Federal (ekoba an jab bōjrak kin Medicare, Medicaid, SCHIP, im CHAMPUS), Kolla jen Injuran in Jermal, ak jibañ jen juon bar pade eo kein kajilu ñan an kolla aoleb ak jidik wonnen lale im lelok jibañ kin nañinmij eo an.v

## **OPIJ EO AN EDDO IN KOLLA**

Melele ko relablok ikijen Kakien eo ej Einwōt kwōmaron bōk jen ritel ro rej kōjejjet kutien jermal ko an Ministri eo.

## **TÕBRAK KO**

**Tõbrak eo Kein Kajuon:** Ebrol 24, 2024

**Etale/Kajimwe eo (ko) Tokelik:**